

Sera da film ils 30-01-2016

Da radunonza generala ha la UGRL decidiu da porscher al vitg in survetsch suplementar en fuorma dad ina sera da film gratuita cun bar da neiv per in e scadin.

La damaun allas 9:00 essan serimnai per drizzar en la halla e la bar da neiv. Il diember da gidonters era cun tschun commembers presents buca cuntenteivels aschia che las lavurs han cuozzau ditg ed entginas caussas organisatoricas ein idas en emblidanza.

Allas 19:30 ei la gruppa da lavur serimnada en halla.

Duront la pausa dil film «Louis de Funès» havein nus vendiu popcorn e hotdogs. La bar da neiv havein pervia la plievgia deplorablamein buca saviu prender en funcziun.

Era il diember da visitaders ei staus fetg surveseivels. Inclusiv ils commembers dall'uniun han ca. 60 persunas visitau nossa occurrenza.

L'auter di allas 13:00 essan sentupai en halla per far uorden. Entras la buna lavur dils commembers presents ei il far uorden lu ius relativamein speditiv.

Il fazit dalla sera da film:

- Il diember da commembers ch'ei separticipaus allas preparativas ei staus memia bass
- Igl interess dalla populaziun para buca dad esser staus avon maun. Daco?
- La finfinala ei la fiasta tuttina stada in pign success.
- Finanzialmein havein sco quintau buca fatg gronds spruns.

Igl actuar

Serafin Cadruvi